

Հայ եկաւ նրան գանգատուելու մի մահմեդականի դէմ, որ խել էր իւր կինը և դրել հասարակաց տանը, որ իւր համար փող վաստակէ, շահը բերել տուեց այդ մահմեդականին իւր առաջ և մի լաւ պատժելուց լետոյ ստիպեց կնոջը դարձնելու իւր ամուսնուն, և հրատարակեց մի հրովարտակ, որի զօրութեամբ ոչ մի հայ և ոչ մի հայուհի չէր կարող ստրուկ լինել իւր տէրութեան մէջ. այս մի մեծ բարիք եղաւ խեղճերի համար, թէպէտ և շատ ուշ էր, որովհետեւ արդէն իսկ մի քանի հազարներ ցրուած էին ամբողջ թագաւորութեան մէջ, և այն շատ հեռաւոր տեղերում, որոնցից ամենեւին յոյս չկար, մասնաւորապէս աղջկունք " փոքրիկ երեխայք, որոնք չունին ոչ մի տեղեկութիւն այս հրովարտակի մասին և ազատ չեն դատաստան խնդրելու. բայց նրանք, որոնք մերձաւոր էին շահի պալատին, օգտուեցան այս հրովարտակից և ազատ թողնուեցան, իսկ միւսները ազատուում են օրէցօր:

ՊԱՏՐԻԱՐԲԱԿԱՆ ԿՈՆԴԱԿ ԺԽԵԼՈՒ ԴԷՄ

Յիսուսի Քրիստոսի ծառայ Տէր Յակոբ Արքեպիսկոպոս և շնորհիւ սրբոյ Հոգւոյն վերապետուչ և պատրիարք մեծի մայրաքաղաքիս Կոստանդնուպօլսոյ, յորմէ սիրով և Աստուածային օրհնութեամբ յայտարարութիւն եղիցի բոլոր հոգեւորական դասուց կարգաւորացո՛ վարդապետաց և բահանայից. զի թէպէտ ի վաղուց կրկին և կրկին առ հասարակ պատուիրեալ եմք ձեզ ամենեցուն չուպուխս՝ նարկիլէ՝ և սիկարա չքարշել ամենևին ոչ յայտնի և ոչ գաղտնի, զի մեր ազգի կարգաւորաց ի բնէ անտի արգիլեալ է ի սրբազան նախնեաց մերոց բարեյօժար սովորութեամբ. որ արդարեւ անվայելուչ է ամենայն կերպիւ. նոյնպէս ի գինետուն և ի խօլթուխ մէխանայ չմտանել՝ և չնստիլ, և կամ ոտքի վրայ չխմել. ահաւասիկ այսու խրատական կոնդակաւս խըստիւ պատուիրեմք եկեղեցականաց բնաւ յաւիտեան գործ չածել չուպուխս՝ նարկիլէ՝ սիկարա, և ոչ ի գինետունս և

ի խօլթուխս երթալ և նստիլ: Աւագերիցունք և Աթոռակալք և ծերունի բաճանայք բաց ի բաղմադիմի ուղղութեանց հետևելոյն զկնի, ամենայն արթնութեամբ պարտին հոգ տանիլ և զգուշանալ շրջաճայեցութեամբ, և նկատել զօրհանապազ՝ և լրտեսել ի վերայ բաճանայից ի բաց թողուլ անպատճառ զմոլութիւնս զայսոսիկ, այսինքն ի մէխանայ երթալն՝ և չուպուխ նարկիլէ բարշենն: Ապա պարտ է բաճանայից ժողով առնել մինն անգամ ի դուրս չմնալով՝ ամենեցուն ի միտս և ի յուշս տպաւորել զայս յատկակի բարի խրատս՝ որ ի վերայ կարգաւորաց զի սյուսհետեւ մի որ տեսցէ ի ժողովրդոց կարգաւորի միոյ չուպուխ՝ նարկիլէ՝ սիկարա բարշենն, և ի գինետունս կամ ի խօլթուխս մտանելն՝ ուր նստեալ և կամ յոտին կացեալ ըմպել և արբենալ ի գայթակղութիւն ժողովրդոց և ամենայն տեսանողաց, և եթէ կայցէ այնպիսի բաճանայ ի միջի ձերում, խստիւ յորդորեցէք զնա, և պատուիրեցէք անգամ մի ևս գործ չածել, և եթէ կրնեսցէ՝ ի ժողովի ձերում՝ պատժեցէք զնա առանց աչառութեան. քանզի յետ այսորիկ մեք ևս աննշան անձանց ձեռամբ լրտեսել տալոց եմք, եթէ ի վերա՝ կարգաւորի միոյ տեսանիցին անպատեհութիւնքս այսորիկ, այսինքն չուպուխ խմել՝ և ի գինետունս երթեկեկեն, Աստուած մի՛ արասցէ. յոր կողմէ և որ եկեղեցւոյ բաճանայի պատահիցի, ոչ միայն յանցաւոր քաճանայն ունի պատժիլ, այլև Աւագերէցն և Աթոռակալն նոցին և Ծերունիք ումանք ևս ի միասին անխնայ պատժեմբ վասն անհոգութեան իւրեանց. ուստի զգուշացէք սիրելիք, և միմեանց յայսմ մասին դատախազ կացէք, մոռացէք և մոռացուցէք զայս չար սովորութիւնս. ապա թէ ոչ՝ յատենի սրբոց Եկեղեցեաց ծանուցանելով խայտառակեմք և անխնայ դատապարտեմք զայնպիսի օրինազանց նախնեաց սրբոց Հարցմբոց կանոնաց անհնազանդաբար խանգարիչսն: Այս ևս յայտնի լիցի ձեզ, զի ոչ միայն արգելեալ ի մտանելն ի գինետունս և ի խօլթուխս, այլ և յերեկոյս ի սեպհական տունս և կամ ի հարսանիսս և ի կիրակնամուտս ննջեցելոց ամենեւին մի՛ երեւցի ի վերայ բաճանայից արբեցութիւն՝ որ է մայր ամենայն մեղաց. որով օրինակ չարեաց լինին յաչս ժողովրդեան, և իբրև անզգայ անկեալ մնան,

մինչև անգամ եթէ յանկարծ ի գիշերի կոչիցին ուրեք՝ թէ թէ առ հիւանդս և թէ յայլ ինչ գործ կարևոր՝ ինքեանք կարօտին այլոց, և լինին խայտառակ առաջի տեսողաց, և ընդ առաւօտս ևս տկարանան կանխել ի սուրբ Եկեղեցի, և վերջապէս պատճառ լինին կարճութեան կենաց իւրեանց, և դատապարտին վասն արքեպօսթեան իւրեանց և վասն անձնասպանութեան, զի արքեպօղք զարքայութիւնն Աստուծոյ ոչ ժառանգեն, որ է վճիռ առաքելական:

Ապաքէն լսեցինք չլսեցինք մի՞ ասէք, զայս գիրս յետ ընթեռնելոյ անկորուստ պարտիք պահել ի ժամարարի սե. նեկին սրբոյ Եկեղեցւոյ՝ ակներև ամենեցուն կախելով, զի հանապազօր ընթերցեալ քահանայից զգուշացին. բանզի հոգևոր Ժողովով մերով վճռահատեալ եմք, այսուհետև չուպուլս՝ նարկիլէ՝ սիկաա խմող կարգաւորն՝ և կամ ի գի. նետուն մտանող քահանայն ընդունելու չեմք իբրև զկարգաւոր, այլ լոկ աշխարհական ճանաչելով զայնպիսին արտաքս հանելոց եմք ի կարգէ քահանայութեան. զայս հաստատուն մշանջնապէս պահելի կանոնադրութիւնսն ի յուշ բողոք կարգաւորաց տպաւորեցէք. իսկ եթէ որ ընդհակառակն գործիցէ յայսմհետէ, անշուշտ և անխափան ելանելոց է ի կարգէ քահանայութեան, լոկ աշխարհական համարեալ ճանաչի սյնպիսի հայրենի ցանկն բակող՝ և բնութեան իւրոյ ծառայող կարգաւորն:

Ուրեմն ո՞ սիրելիք մեր, լաւ ի միտ առէք զգրեալս, եթէ որ ի կարգաւորացդ յետ այսորիկ յամառեալ մնասցէ ի չարիս իւր, և չկամիցի Թողուլ յանձնէ զայս անվայել սովորութիւնն, ի բաց կացցէ ի քահանայական կարգէ, զի մի յետոյ ի յայտնիլն խայտառակեացի, զի չիք ինչ ծածուկ՝ որ ոչ յայտնեացի. յայնժամ կրկնակի յանցաւոր դատի, և յատենի ծանուցմամբ, և խայտառակութեամբ ելանէ իբրև զծանր յանցաւոր և հակառակող բարեկարգութեանց. այլ կարէ այժմէն կամ կամաւ իւրով ձգել ի բաց զայս աշխարհային սովորութիւնն իւր և կամ զկարգն քահանայական, և եթէ յանդգնաբար և անհնազանդութեամբ զերկոսեանն ի միասին գործածող վերերևեսցի յայսմհետէ, հարկիւ և անպատճառ ունի զանազան պատիժս դատապարտութեան և անարգութեան կրել անխնայ. ահա պարզա.

պէս առաջի բոլոր Հոգեւորականացոյ զայս վաղեմի հայրենաւանդ կարգաւորաց վայելուչ բարեկարգութիւնս եղեալ ծանուցար, և Հոգեւոր Ժողովով մերով հաստատին յայտնեցաք: Ուստի սիրովն Յիսուսի Քրիստոսի յորդորեմբ զամենայն կարգաւորսդ ընդ մեզ նախանձաւոր սուրբ կրօնից գտանիլ, և անխափան զայս գեղեցիկ կանոնս՝ նախնեաց մերոց ընդ այլ պարտուկատշաճ կանոնաց եղելոց ի վերայ կարգաւորացս պահել, և պահել տալ ջանասիրեսցիք յորդորանօք՝ խստիւ՝ և սպառնալօք:

Որ և ըսող և կատարողքդ ըստ գրութեանս կացցիք ողջ և անփորձ փառաւորեալ ըստ հոգւոյ և ըստ մարմնոյ ի պարծանս լրութեան Աղգիս և յօգուտ սրբոյ Եկեղեցւոյ մերոյ յաւիտեանս ամէն:

Գրեցաւ խրատական կոնդակս 1851 հոկտեմբ. 15.
 Ի Պատրիարքարանս ամենայն Հայոց: ¹⁾

Ս. ՆԱԶԱՐԵԱՆԻ ՆԱՄԱԿՆԵՐ

Յամի 1846 ի Նոյեմբերի 26.

Մեծապատիւ և գիտնական Եփրեմայ Ասպետ վարդապետի

Ս. Նազարեանց խնդալ յարգանօք:

Զգրեալդ ի 30 թուականէ անցելոյ Հոկտ. ստացեալ մեր անկորուստ 50 արծաթով հանդերձ, սակաւուք պատասխանի ձեզ առնել ոչ դանդաղիմք, մանաւանդ զի և զայս իսկ ի ձէնջ աղաչիմք՝ առանց թողացուցանելոյ հարուստ ժամանակի ի մէջ անկանիլ:

Զբանակութիւն ընծայելոցն առ ի տեարց Լազարեանց որ ի տպագրութիւն համառօտ իմոյս աշխարհապատու մատենի անգիտացեալ մեր ապաքէն՝ զի ոչ որ յայտարար այս սորիկ մեզ գտաւ, և ոչ իսկ գուշակել մարթացեալ թէ բանի՝ ինչ ի հաւաքելոցն առ ձեզ յուսմէ՝ առեալ եղև, յանել բաւիղ տարակուսանաց ցայսօր գտանէաք պարանեալ. և ոչ չափ ինչ. այլև ծագեցան մեզ սլոլուստեք անլուծանելի

¹⁾ Այս կոնդակը ստացել ենք մեծ. պ. Ա. Երէցեանից: Ծ. Խ.